



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt I. Libertatem à seruitute corruptionis, propriam esse vitæ futuræ.

[urn:nbn:de:hbz:466:1-46059](#)

go, à secularium Principum vel iudicium potestati-
bu, jurisdictionibus, tribunalibus, vectigalibus ac tri-
butis impositis aut imponendis exemptæ sunt ac libe-
ra. Christiana verò libertas ab huiusmodi legibus ne-
minem eximit seu liberum reddit. Itaque ex illis rebus
quæ minùs in stituto nostro seruire videbantur, quas-
dam modò perstrinximus, alias ne attigimus quidem.
Quas res interim explicatiùs cognoscere si quis desi-
deret, integrum illi erit ex ipso auctore repetere; &
quod nobis deesse putauerit, inde supplere. Nos ad id
quod reliquum est, quodque adhuc deesse ipsi cen-
semus, properabimus.

CAPVT I.

*Libertatem à seruitute corruptionis, propriam esse
vitæ futuræ.*

SVPER EST autem tractanda libertas à seruitute
corruptionis & mortis: seu, vt breuiùs loquitur
Bernardus, Libertas à miseria. quam hīc nondum ha-
bere nos cùm abūdè rebus ipsis comprobetur, super-
vacaneum est, id verbis velle demōstrare. In hoc sanè
ingemiscimus, habitationem nostrā quæ de cælo est,
superindui cupientes (ait sanctus Apostolus) si tamen ^{2. Cor. 5.}
vestiti & non nudi inueniamur. Nam & qui sumus in
hoc tabernaculo, ingemiscimus grauati: eo quòd no-
limus expoliari, sed superuestiri: vt absorbeatur quod
mortale est à vita, insitq. resuscitatis corporibus nulli
vanitati subiecta libertas. Atque ob id quidem spiri-
tus pignus accepimus, vt hanc quoque per Christum
libertatem secuturam esse in illa nostri perfecta rege-
neratione minimè dubitemus. Si enim Spiritus eius
qui suscitauit Iesum à mortuis, habitat in nobis: qui
suscitauit Iesum Christum, viuificabit & mortalia
corporanostra, propter inhabitantem Spiritum eius in

gg 2 nobis:

Philip. 3.
Vide Gregor.
lib. 4. Moralium
cap. 41.

nobis: & reformabit corpus humilitatis nostræ, con-
figuratum corpori claritatis eius. Tunc igitur creatura
illa nobilis, quæ hîc nolens mutabilitatis suæ corru-
ptioni seruit, eripietur è corruptionis seruitute, cùm
ad filiorum Dei gloriam incorrupta resurgendo sub-
uehetur. Hic enim tanti sperelecti Dei, molestia vincit
sunt, quòd adhuc corruptionis suæ pœna depriman-
tur. at cùm exuentur corruptibili carne, quasi ab his
quibus nunc adstringuntur molestiæ vinculis relaxa-
buntur. Præsentari namque iam Deo cupiunt, sed ad-
huc mortalis corporis obligatione præpediuntur. Iu-
re ergo vincti, quòd adhuc incessum desiderij sui ad
Deum, liberum non habent. Ideoq. Paulus ipse æter-
na desiderans, sed tamen adhuc corruptionis suæ sar-
cinam porrans, vinctus clamat: Cupio dissolui, & esse
cum Christo. Vbi verò mortale hoc induerit immor-
talitatē, sicut sermo qui scriptus est: Absorpta est mors
in victoria. Vbi est mors victoria tua, qua videlicet hîc
omnes sic viceras, vt etiam Dei Filius tecum config-
ret? Vbi mors stimulus tuus? stimulus autem mortis,
peccatum est, virtusq. peccati Lex. Deo autem gratias,
qui dedit nobis victoriam per Dominum nostrumle-
sum Christum: qui & homo fuit, vt gustare mortem;
& simul Deus verus, vt eam vincere posset. Huius pro-
inde confisa præsidiis, audet credentium societas di-
cere: Ne læteris inimica mea super me, quia cecidi,
consurgam cùm sedero in tenebris. Dominus lux mea
est. Iram Domini portabo, quia peccavi ei: donec cau-
sam meam iudicet, & faciat iudicium meum. Educet
me in lucem. Videbo iustitiam eius. Et aspiciet inimi-
ca mea, & operietur confusione, quæ dicit ad me: Vbi
est Dominus Deus tuus? Oculi mei videbunt in eam:
nunc erit in conculationem vt lutum platearum.

Philip. 1.

1. Cor. 15.

Mishca 7.

CAPVI